



## SLUŽBA ZA REVIZIJU FINANSIRANJA POLITIČKIH STRANAKA

Na osnovu člana 10. stav (1) Zakona o finansiranju političkih stranaka („Službeni glasnik BiH“, broj: 95/12 i 41/16), člana 25. Pravilnika o godišnjim finansijskim izvještajima političkih stranaka („Službeni glasnik BiH“ broj: 96/13 i 89/16) i člana 12. Pravilnika o administrativnim procedurama pregleda, kontrole i revizije finansijskih izvještaja političkih stranaka („Službeni glasnik BiH“, broj 103/08), izdajem

### IZVJEŠTAJ O PREGLEDU GODIŠNJEG FINANSIJSKOG IZVJEŠTAJA ZA 2017. GODINU HRVATSKE NEZAVISNE LISTE

Broj: 03-07-6-301/18  
Sarajevo, 18. juni 2019. godine

## SADRŽAJ

MIŠLJENJE REVIZORA .....	3
1. UVOD .....	4
2. PREDSTAVLJANJE POLITIČKE STRANKE .....	4
3. OPIS PREGLEDA I KONTROLE FINANSIJSKOG IZVJEŠTAJA .....	4
Predmet pregleda i kontrole.....	4
Cilj pregleda i kontrole .....	5
Obim pregleda i kontrole .....	5
4. PRETHODNE KONTROLE I REVIZIJE .....	5
5. NALAZI I PREPORUKE .....	5
5.1 NALAZI.....	5
5.2 PREPORUKE .....	6

## MIŠLJENJE REVIZORA

Služba za reviziju finansiranja političkih stranaka je izvršila pregled godišnjeg finansijskog izvještaja Hrvatske nezavisne liste za 2017. godine.

Rukovodstvo političke stranke je odgovorno za finansijske izvještaje, postupanje stranke u skladu sa odredbama Zakona o finansiranju političkih stranaka, te uspostavljanje efikasnog sistema internih kontrola.

Pregled smo obavili u skladu sa revizijskim standardima primjenjivim na angažmanu u pregledu. Ovi standardi zahtijevaju da planiramo i izvršimo pregled da bi dobili umjerenu pouzdanost da stranka nije značajno kršila odredbe Zakona o finansiranju političkih stranaka.

Pregled je ograničen na kontrolu godišnjeg finansijskog izvještaja političke stranke i primjenu analitičkih procedura na podacima iz finansijskih izvještaja, pa prema tome ne obezbjeđuju pouzdanost koja bi se dobila izvršenom revizijom u prostorijama stranke.

**Pregledom godišnjeg finansijskog izvještaja za 2017. godinu, utvrđeno je da je Hrvatska nezavisna lista prekršila odredbe člana 8. stav (1), člana 11. stav (1) i člana 12. stav (1), (2) i (4) Zakona o finansiranju političkih stranaka.**

**Na osnovu našeg pregleda, odnosno kontrole finansijskog izvještaja, osim gornjih napomena, nismo zapazili ništa značajno što bi ukazalo na nedostatke u finansijskom izvještaju ili na finansiranje ove političke stranke suprotno odredbama Zakona o finansiranju političkih stranaka.**

## 1. UVOD

Služba za reviziju finansiranja političkih stranaka (u daljem tekstu: Služba za reviziju) izvršila je pregled godišnjeg finansijskog izvještaja Hrvatske nezavisne liste za 2017. godinu.

Pregled i kontrola finansijskih izvještaja provedeni su u skladu sa članom 25. Pravilnika o godišnjim finansijskim izvještajima političkih stranaka i članom 2. Pravilnika o administrativnim procedurama pregleda, kontrole i revizije finansijskih izvještaja političkih stranaka. Zbog činjenice da nije obavljena revizija u prostorijama političke stranke, postoji mogućnost da pojedine materijalno značajne greške ne budu otkrivene.

Prema podacima iz godišnjeg finansijskog izvještaja Hrvatska nezavisna lista se finansirala iz sljedećih izvora:

R/B	Izvori finansiranja	Iznos (KM)	Struktura (%)
1.	Članarina	0,00	0,00
2.	Prilozi fizičkih lica ( 3-a )	0,00	0,00
3.	Prilozi pravnih lica ( 3-b )	894,20	3,88
4.	Prihodi od imovine ( 3-c )	0,00	0,00
5.	Prihodi od dobiti preduzeća u vlasništvu političke stranke ( 3-d )	0,00	0,00
6.	Prihodi od poklona ( 3-e )	0,00	0,00
7.	Prihodi iz budžeta ( 3-f )	22.152,00	96,10
8.	Prihodi od propagande ( 3-g )	0,00	0,00
<b>I</b>	<b>Ukupni prihodi (1-8)</b>	<b>23.046,20</b>	<b>99,98</b>
<b>II</b>	<b>Ostali prihodi i drugo</b>	<b>4,27</b>	<b>0,02</b>
	<b>Izvori finansiranja (I+II)</b>	<b>23.050,47</b>	<b>100,00</b>

U godišnjem finansijskom izvještaju stranka je iskazala rashode u ukupnom iznosu od 5.794,30 KM.

## 2. PREDSTAVLJANJE POLITIČKE STRANKE

Naziv političke stranke je Hrvatska nezavisna lista. Skraćeni naziv stranke je HNL.

Hrvatska nezavisna lista je registrovana kod Općinskog suda u Livnu, Rješenjem broj: 068-0-F1-14-000002 dana 26.05.2014. godine.

Sjedište političke stranke je u Tomislavgradu, Brigade Kralja Tomislava bb.

Lice ovlašteno za zastupanje stranke je dr. Josip Perić, predsjednik.

Lice ovlašteno za podnošenje finansijskih izvještaja za 2017. godinu je dr. Josip Perić.

U godišnjem finansijskom izvještaju za 2017. godinu Hrvatska nezavisna lista je navela da ima niže nivo organizovanja, ali ih nije navela.

## 3. OPIS PREGLEDA I KONTROLE FINANSIJSKOG IZVJEŠTAJA

**Predmet pregleda i kontrole** je godišnji finansijski izvještaj Hrvatske nezavisne liste za 2017. godinu.

**Cilj pregleda i kontrole** je da revizor na bazi finansijskog izvještaja pokuša da ustanovi da li je politička stranka u izvještajnom periodu postupala u skladu sa odredbama Zakona o finansiranju političkih stranaka. Ukoliko revizor na bazi kontrole finansijskog izvještaja utvrdi određena kršenja zakona, ocjenjuje da li je potrebno izvršiti reviziju u prostorijama stranke da bi mogao izraziti mišljenje o tome da li se stranka finansirala u skladu sa Zakonom o finansiranju političkih stranaka.

**Obim pregleda i kontrole** finansijskog izvještaja Hrvatske nezavisne liste obuhvata kontrolu i provođenje analitičkih procedura radi utvrđivanja usklađenosti podataka koje je stranka iskazala u finansijskim izvještajima sa odredbama Zakona o finansiranju političkih stranaka, odnosno usklađenosti izvora finansiranja i načina trošenja sredstava.

#### **4. PRETHODNE KONTROLE I REVIZIJE**

Služba za reviziju je izvršila pregled godišnjih finansijskih izvještaja Hrvatske nezavisne liste za u periodu od 2014. do 2016. godine, nakon čega su izdati izvještaji o pregledu sa mišljenjem revizora, nalazima revizije i preporukama stranci.

Nakon izvršenog pregleda godišnjeg finansijskog izvještaja za 2016. godinu stranci su date preporuke: da ne prima priloge iznad zakonom propisanog limita, da poslovne knjige vodi u skladu sa računovodstvenim propisima, da u svojim poslovnim knjigama uspostavi tačne evidencije o obavezama stranke i da finansijske izvještaje podnosi u zakonom propisanim rokovima i formi koju je Centralna izborna komisija BiH propisala svojim podzakonskim aktima.

#### **Nerealizovane preporuke:**

Na osnovu uočenih nedostataka u godišnjem finansijskom izvještaju za 2017. godinu, utvrđeno je da je Hrvatska nezavisna lista ispoštovala samo preporuku revizije da ne prima priloge iznad zakonom propisanog limita, dok ostale preporuke nisu ispoštovane.

#### **5. NALAZI I PREPORUKE**

##### **5.1 NALAZI**

##### **a) Hrvatska nezavisna lista je ostvarila prilog, koji je političkim strankama zabranjen odredbama člana 8. stav (1) Zakona o finansiranju političkih stranaka.**

Političkoj stranci je Općinsko vijeće Općine Posušje 19.12.2017. godine isplatilo sredstva za unapređenje rada kluba zastupnika, u iznosu od 894,20 KM. Navedena sredstva nisu izdvojena iz budžeta u skladu sa odredbama člana 3. stav (1) tačka e) i člana 7. Zakona o finansiranju političkih stranaka, pa predstavljaju prilog, kako ga je stranka i prijavila u poslovnim knjigama i finansijskom izvještaju.

Obzirom da se, u skladu sa odredbom iz člana 8. stav (1) ovog Zakona, finansiranje političkih stranaka zabranjuje: organima uprave države BiH, entiteta, kantona, Brčko Distrikta BiH, te gradskim i općinskim organima, Hrvatska nezavisna lista je ostvarila zabranjen prilog u iznosu od 894,20 KM.

##### **b) Pregledom godišnjeg finansijskog izvještaja utvrđeno je da je Hrvatska nezavisna lista prekršila odredbe člana 11. stav (1) i člana 12. stav (1), (2) i (4) Zakona o finansiranju političkih stranaka.**

Na osnovu finansijskog izvještaja, finansijske dokumentacije koju je dostavila politička stranka i revizijskih dokaza pribavljenih iz eksternih izvora, utvrđeno je da stranka nije vodila poslovne knjige u skladu sa računovodstvenim propisima<sup>1</sup>, nije uspostavila tačne evidencije o svojim

---

<sup>1</sup> U skladu sa odredbom člana 11. stav (1) Zakona o finansiranju političkih stranaka, politička stranka je dužna voditi poslovne knjige u skladu sa računovodstvenim propisima.

prihodima<sup>2</sup> i obavezama, u finansijskom izvještaju nije uključila koristi ostvarene od aktivnosti udruženja koje je povezano sa političkom strankom<sup>3</sup> i godišnji finansijski izvještaj nije podnijela na način kako je propisala Centralna izborna komisija BiH<sup>4</sup>.

- (1) Uvidom u finansijsku dokumentaciju utvrđeno je da je stranka u poslovnim knjigama i finansijskom izvještaju kao prihod iz budžeta Kantona 10, u iznosu od 2.200,00 KM, iskazala povrat svojih sredstava, odnosno povrat takse, koju je uplatila u prethodnoj godini na ime učešća na Lokalnim izborima 2016. godine. Na navedeni način politička stranka je prekršila odredbe člana 11. stav (1) i člana 12. stav (1) i (4) Zakona o finansiranju političkih stranaka, te odredbe člana 13. i 19. Pravilnika o godišnjim finansijskim izvještajima političkih stranaka.
- (2) Politička stranka u godišnjem finansijskom izvještaju nije uključila koristi ostvarene od aktivnosti udruženja Hrvatski narodni sabor Bosne i Hercegovine, koje je povezano sa političkom strankom, odnosno stranka je članica ovog udruženja<sup>5</sup>, čime je prekršila odredbe člana 12. stav (2) Zakona o finansiranju političkih stranaka.
- (3) Hrvatska nezavisna lista je u finansijskom izvještaju, koji je podnijela Centralnoj izbornoj komisiji BiH, navela da su joj obaveze na dan 31.12.2017. godine 0,00 KM, dok je u poslovnim knjigama iskazala obaveze u iznosu od 27.845,37 KM.

- Stranka je u poslovnim knjigama, suprotno knjigovodstvenim načelima i računovodstvenim propisima, iskazala obavezu u iznosu od 27.809,98 KM, pod nazivom obaveza po žiro-računu iz prethodne godine. Uvidom u izvode sa transakcijskog računa u periodu od 2015. do 2017. godine, utvrđeno je da je ovako iskazani iznos obaveza rezultat nestručnosti računovodstva političke stranke i nepoznavanja računovodstvenih propisa.

Kontrolom izvoda sa transakcijskog, odnosno žiro-računa, utvrđeno je da je Hrvatska nezavisna lista na dan 31.12.2015. godine imala sredstva u iznosu od 31.996,69 KM, na dan 31.12.2016. godine 55.188,05 KM i na dan 31.12.2017. godine 72.444,51 KM, a ne obaveze po žiro-računu, koje su u poslovnim knjigama iskazane u iznosu od 27.809,98 KM.

- U finansijskom izvještaju stranka nije prijavila obaveze prema dobavljačima, koje je u poslovnim knjigama iskazala u iznosu od 35,39 KM.

Neprijavlivanjem, te pogrešnim prijavljivanjem obaveza, Hrvatska nezavisna lista je prekršila odredbe člana 24. Pravilnika o godišnjim finansijskim izvještajima političkih stranaka.

## 5.2 PREPORUKE

***Preporučuje se Hrvatskoj nezavisnoj listi da se pridržava odredaba Zakona o finansiranju političkih stranaka, a posebno na osnovu uočenih nedostataka se preporučuje:***

- ***da ne prima zabranjene priloge,***
- ***da poslovne knjige vodi u skladu sa računovodstvenim propisima,***

---

<sup>2</sup> U skladu sa odredbom iz člana 12. stav (1) ovog Zakona dužna je uspostaviti evidencije o svim prihodima, rashodima i obavezama

<sup>3</sup> U skladu sa odredbom iz člana 12. stav (2) Zakona, politička stranka obavezna je u svom finansijskom izvještaju uključiti sve koristi ostvarene od aktivnosti subjekata koji su na bilo koji način povezani s političkom strankom ili su pod njenom kontrolom.

<sup>4</sup> U skladu sa odredbom iz člana 12. stav (4) Zakona, politička stranka podnosi finansijski izvještaj u formi koju odobri Centralna izborna komisija BiH.

<sup>5</sup> Hrvatski narodni sabor Bosne i Hercegovine kao udruženje promoviše političke stranke i njene članove, učestvuje u provođenju izborne kampanje i kreira programe koji su bitni samo političkim strankama, članicama ovog udruženja.

- *da uspostavi tačne evidencije o prihodima i obavezama stranke,*
- *da u finansijskom izvještaju iskaže koristi ostvarene od aktivnosti subjekata koji su na bilo koji način povezani sa strankom ili su pod njenom kontrolom i*
- *da finansijske izvještaje koje podnosi Centralnoj izbornoj komisiji BiH popunjava u skladu sa Pravilnikom o godišnjim finansijskim izvještajima političkih stranaka.*

#### **KOMENTAR**

Politička stranka se u datom roku nije očitovala na nalaze revizije navedene u Preliminarnom izvještaju o pregledu godišnjeg finansijskog izvještaja za 2017. godinu.

Pomoćnik revizora

Mr.sc. Goran Cicović

Šef Službe za reviziju, revizor

Mr.sc. Hasida Gušić